

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der heylig Brotkorb der heil. römischen Reliquien oder würdigen Heiligthumb's Procken

Calvin, Jean

Christlingen [i.e. Straßburg], 1601

Der sechst Keyser

[urn:nbn:de:bsz:31-109542](https://nbn-resolving.org/urn:nbn:de:bsz:31-109542)

Wunders wunder.

Der fünffte Keyser.

Claudius Sains Sohn regieret xij. Jar: Er schlug
sein Ehelich Weib zu Tod in Trunckenheit/vnd nam
Aprippa seines Bruders Tochter / was ein vnkeusche
fraw/vnnd sie vergab ihm darumb/ das ihr Tochterman
in das Reich keme.

Der sechst Keyser.

Nero der böß Wüterich ward Keyser/ regieret vierze-
hen Jar. Ihm ware kein Besheit zu groß. Er lies
sein Mutter auff schneiden/ das er mocht sehen/ wo er ge-
legen were. Vnnd ließ Senecam seinen Schulmeister
Tödtren / vñ das/ das er in in der Jugend gestrafft hette.
Vnd er war der erste Keyser / der die Christen verfolget
Vnd den Zwölffpöten Sanct Petrum vnnd Paulum
leget er viel Marter an/ vnd viel anderen Heiligen. Vnd
er zündet Rom an/ zwölff enden mutwillig an/ das er von
dem Feur frewd hette. Die Römer wolten ihn vmb
das getödtet haben/ da entran er ihn/ da er ruhñ sahe/ das
man ihm nachfolget/ da erschach er sich.

Der sibend Keyser zu Rom.

Galba ward Keyser vnd regieret sieben Jar. Er war
selbdt Keyser. Vitellus regieret neun Monat.
Dito regieret drey Monat zu Rom. Dito legt mit den
Burgern an/ das Galba enthaupt ward mitten inn der
Statt/ Vnnd Dito krieget mit Vitello/ vnd da er sahe/
das er ihm nichts mocht abgewinnen/ da stach sich Dito
selber zu tod: Vitellus erranck.

Der achte Keyser zu Rom.

Vespasianus der regieret neun Jahr / ehe er Keyser
ward/